

晉

書

料

注

晉書輯注卷七

錢塘吳士鑑

烏程劉承幹

同注

帝紀第七

成帝

成皇帝諱衍字世根明帝長子也

文選讓中書令表注王隱晉書曰明穆皇

后庾氏生成帝

太寧三年三月戊辰立爲皇太子閏月戊子明

帝崩己丑太子卽皇帝位大赦增文武位二等賜鰥寡

孤老帛人二匹尊皇后庾氏爲皇太后秋九月癸卯皇

太后臨朝稱制

類聚四十八引晉中興書癸卯作癸丑通典六十七明穆庾皇后詔曰尊師重

道帝王之所宜務況童幼方賴師訓之成宜令一遵先帝崇賢之禮讀史舉正曰癸卯誤書辛丑前案類聚引何書作癸丑亦不應在辛丑前司徒王導錄尚書事與中書令庾亮參輔朝政以撫軍將軍南頓王宗爲驃騎將軍領軍將軍汝南王祐爲衛將軍辛丑葬明帝於武平陵冬十一月癸巳朔日有蝕之廣陵相曹渾有罪下獄死

咸和元年春二月丁亥大赦改元大酺五日賜鰥寡孤老米人二斛京師百里內復一年夏四月石勒遣其將石生寇汝南汝南人執內史祖濟以叛甲子尚書左僕射鄧攸卒五月大水六月癸亥使持節散騎常侍監淮北諸軍事北中郎將徐州刺史泉陵公劉遐卒癸酉以

車騎將軍郗鑒領徐州刺史征虜將軍郭默爲北中郎

將假節監淮北諸軍劉遐部曲將李龍史迭奉遐子肇

代遐位以距默臨淮太守劉矯擊破之斬龍傳首京師

秋七月癸丑使持節都督江州諸軍事江州刺史平南

將軍觀陽伯應詹卒

案明帝紀及詹傳均作封觀陽縣侯傳云以咸和六年卒此誤作伯

八月以給事中前將軍丹楊尹溫嶠爲平南將軍假節

都督江州刺史九月旱李雄將張龍寇涪陵執太守謝

俊

讀史舉正曰下三年十月復云張龍寇涪陵太守趙弼沒于賊當爲一事前後乖錯

冬十月封

魏武帝玄孫曹勛爲陳留王以紹魏

類聚五十一御覽二百一引晉中興

書作元帝詔封魏後曹勛爲陳留王案元帝爲成景寅帝之誤勛與廟形近致訛通典七十四亦作廟

衛將軍汝南王祐薨己巳封皇弟岳爲吳王車騎將軍
南頓王宗有罪伏誅貶其族爲馬氏免太宰西陽王羨
降爲弋陽縣王庚辰赦百里內五歲以下刑是月劉曜
將黃秀帛成寇鄧平北將軍魏該帥眾奔襄陽十一月

王子大閱于南郊

文獻通考一百五十七曰成帝咸和中詔內外諸軍戲兵于南郊之場故

其地因名鬪場自後藩鎮桓庾諸方伯往往閱習朝廷無事焉改定王侯國秩九分食

一石勒將石聰攻壽陽不克遂侵遼邁阜陵加司徒王
導大司馬假黃鉞都督中外征討諸軍事以禦之厯陽
太守蘇峻遣其將韓晃討石聰走之時大旱自六月不
雨至於是月十二月濟嶠太守劉閭殺下邳內史夏侯

嘉叛降石勒

濟嶠詳地理志濟南郡下讀史方輿紀要二十二曰濟嶠城在宿遷縣北梁王

翹薨

二年春正月宜州秀才龐遺起義兵攻李雄將任伺李

謙等

任伺王遜傳李雄載記均作任伺華陽國志入作天水任伺

雄遣其將羅恆費

黑救之宜州刺史尹奉遣裨將姚岳朱提太守楊術援

遺戰于臺登岳等敗績術死之三月益州地震夏四月

旱己未豫章地震五月甲申朔日有蝕之景戊加豫州

刺史祖約爲鎮西將軍戊子京師大水冬十月劉曜使

其子胤侵枹罕遂略河南地十一月豫州刺史祖約厯

陽太守蘇峻等反

御覽二十九晉起居注曰咸和二年正月饗萬國有鷗鳥五集殿明年蘇

峻反本書五行志中亦云三年二月峻果作亂案蘇峻之反實於二年十一月言明年者謂峻破京師逼乘輿也十二月辛亥蘇峻使其將韓晃入姑孰屠于湖讀史

紀要二十七曰姑孰城今太平府治東晉時置城戍守并積鹽米於此城南臨姑孰溪因曰姑孰城于湖城在

太平府南三十八里王子彭城王雄章武王休叛奔峻庚申京師

戒嚴假護軍將軍庾亮節為征討都督以右衛將軍趙

盾為冠軍將軍厯陽太守使與左將軍司馬流帥師距

峻戰于慈湖元和郡縣圖志二十八曰慈湖在當塗縣北六十五里讀史方輿紀要二十六作在

太平府北流敗死之魏書司馬叡傳韓光晨襲流假驍殺之光即晃魏人避諱改光

騎將軍鍾雅節帥舟軍與趙盾為前鋒以距峻丙寅徙

封琅邪王昱為會稽王吳王岳為琅邪王辛未宣城內

史桓彝及峻戰于蕪湖彝軍敗績魏書司馬叡傳曰宣

次於蕪湖韓光敗之車騎將軍郗鑒遣廣陵相劉矩帥

師赴京師鑒本傳作司馬劉矩

三年春正月平南將軍溫嶠帥師救京師次於尋陽遣

督護王愷期西陽太守鄧嶽鄱陽太守紀睦為前鋒魏書

司馬叡傳鄧嶽誤作鄧岱征西大將軍陶侃遣督護龔

登受嶠節度鍾雅趙胤等次蕪湖王愷期鄧嶽等次直

瀆讀史方輿紀要二十日直瀆在江寧府東三十二里源出方山丁未峻濟自橫江登

牛渚魏書司馬叡傳作峻督眾二萬濟自橫江御覽四

古津渡處也讀史方輿紀要十九日采石山亦曰采石圻在太平府西北二十五里亦謂之牛渚圻二月

庚戌峻至于蔣山假領軍將軍卞壺節帥六軍及峻戰

于西陵王師敗績景辰峻攻青溪柵因風縱火王師又

大敗尙書令領軍將軍卞壺丹楊尹羊曼黃門侍郎周

導廬江太守陶瞻並遇害

魏書司馬睿傳陶瞻下
尙有散騎常侍任台

死者

數千人

魏書司馬睿傳數
千人作三千餘人

庾亮又敗于宣陽門內遂攜

其諸弟與郭默趙盾奔尋陽於是司徒王導右光祿大

夫陸暕荀崧等衛帝于太極殿

周家祿校勘記曰按傳
時陸暕爲左光祿荀崧

爲右
光祿

太常孔愉守宗廟賊乘勝麾戈接於帝座突入太

后後宮左右侍人皆見掠奪是時太官唯有燒餘米數

石以供御膳百姓號泣響震都邑丁巳峻矯詔太赦又

以祖約爲侍中太尉尙書令自爲驃騎將軍錄尙書事

吳郡太守庾冰奔于會稽三月景子皇太后庾氏崩夏

四月石勒攻宛南陽太守王國叛降於勒壬申葬明穆

皇后于武平陵五月乙未峻逼遷天子于石頭帝哀泣

升車宮中慟哭魏書司馬叡傳作宮人峻以倉屋爲宮

遣管商張瑾弘徽寇晉陵王舒蘇峻等傳韓晃寇義興

吳興太守虞潭與庾冰王舒等起義兵于三吳十七史

十五曰三吳屢見晉書唐亦有之然史文同互頗難詳

究惟李吉甫元和郡縣志二十五江南道浙西觀察使

所管蘇州吳郡周爲吳國秦置會稽郡於吳項羽初起

殺太守殷通卽此後漢順帝永建四年分浙江以東爲

會稽西爲吳郡孫氏創業亦肇跡於此歷晉至陳不改

與吳興丹陽號爲三吳隋開皇九年改爲蘇州通典一

百八十二州郡門蘇州吳郡理吳長洲二縣春秋吳國
都也秦置會稽郡漢順帝分置吳郡晉宋亦爲吳郡與
吳興丹陽爲三吳齊因之陳置吳州隋改蘇州愚謂六
朝時吳興與今湖州府丹陽爲西吳蘇州爲東吳也此爲定論
則吳興與爲南吳丹陽爲西吳蘇州爲東吳也此爲定論
雖史傳皆言吳三吳無方向然以意揣之周時吳國之
境北以長江爲限其西不過至今江寧而止自此而西
則爲楚地矣南與越以浙江爲界故唐人詩亦云到江
吳地盡阿岸越山多然吳越交兵處如橋李爲今嘉興
縣地禦兒爲今石門縣地吳師未聞直臨浙江唐以前
未有秀州一郡則言三吳者其南以吳興言之可矣晉
書成帝紀咸和三年蘇峻反吳興太守虞潭與庾冰王
舒起義兵於三吳郡太守舒爲大會稽太守則似吳郡吳興
之云時冰爲吳郡太守舒爲大會稽太守則似吳郡吳興
會稽爲三吳劉牢之傳孫恩攻陷會稽太守則似吳郡吳興
率師救三吳陶回傳回爲吳興太守時大饑穀貴三吳
尤甚回割府庫軍資以救乏吳興太守獲全詔會稽吳郡
依回賑恤據此似吳郡吳興與會稽三郡爲三吳甚明錢
大昕通鑑注辯正曰石湖以吳郡吳興與會稽爲三吳其
說信而有徵而不能堅持其說者泥於三吳必三郡耳

請以一言解之曰三秦之名始於雍塞翟三國後之言
三秦者不止三郡也三齊之名始於齊濟北膠東三國
後之言三齊者亦不止三郡也三吳之名始於吳晉以後始有
之其實卽西漢會稽一郡之地漢人多稱吳會者其時
未有吳興也孫吳始立吳興郡而吳遂分爲三厥後會
稽又分爲臨海永嘉東陽等郡吳郡又分爲晉陵義興
諸郡要皆以南爲吳賅之通鑑晉安帝卽位以來內外乖
異石頭以南皆爲荆江所據以晉安帝卽位以來內外乖
江北皆劉牢之及廣陵相高稚之所制朝政所行惟三
吳而已及孫恩作亂入郡皆爲恩有入郡者吳郡吳興
義興會稽臨海永嘉東陽新安景午征西大將軍陶侃
也然則三吳可以賅入郡矣

平南將軍溫嶠護軍將軍庾亮平北將軍魏該舟軍四

萬次于蔡洲元和郡縣圖志二十五日蔡洲在上元縣西十二里江中寰宇記九十一日蔡洲周迴

五十里丹陽記云吳時客館在蔡洲上魏書司馬微傳作舟師二萬至於石頭俄引還次於蔡洲沙門浦讀史方輿紀要二十日蔡洲六月韓晃攻宣城內史桓彝力在江寧府西二十五里

戰死之王辰平北將軍雍州刺史魏該卒于師廬江太

守毛寶攻賊合肥戍拔之秋七月祖約爲石勒將石聰

所攻眾潰奔于厯陽石勒將石季龍攻劉曜於蒲坂八

月曜及石季龍戰于高候季龍敗績讀史方輿紀要四十一日高候原在

安邑縣東十七里杜佑曜遂圍石生于洛陽九月戊申

日高候原在閩喜縣北讀史方輿紀要二十四里與地志卽江

司徒王導奔于白石江寧府治北十四里與地志卽江

乘廢縣之白石壘也庚午陶侃使督護楊謙攻峻于石頭溫嶠庾

亮陣于白石竟陵太守李陽距賊南偏峻輕騎出戰墜

馬斬之眾遂大潰賊黨復立峻弟逸爲帥前交州刺史

張琬據始興反進攻廣州鎮南司馬會稽等擊破之冬

十月李雄將張龍寇涪陵太守趙弼没于賊十二月乙未石勒敗劉曜于洛陽獲之是歲石勒將石季龍攻氏帥蒲洪於隴山降之

蒲卽苻載記作苻

四年春正月帝在石頭賊將匡術以苑城歸順

魏書司馬徽傳

作匡術率其徒據苑城以降

百官赴焉侍中鍾雅右衛將軍劉超謀

奉帝出爲賊所害

世說政事篇曰成帝在石頭任讓在帝前戮侍中鍾雅右衛將軍劉超注

引雅別傳曰雅與劉超並侍帝側匡術與石頭中人密

期拔至尊出事覺被害晉書校文一日以劉超傳攷之

超等謀洩峻使任讓收超及雅害之是超等遇禍時峻

尙未死也今紀於上年九月言峻墜馬被斬是年正月

始言雅等遇害敘事未免先後倒置惟鍾雅傳言峻遷

帝石頭雅超步從明年並爲賊害攷之紀峻遷帝在三

年正月被被害合參校紀傳必有一誤

戊辰冠軍將軍

趙盾遣將甘苗討祖約于厯陽敗之約奔于石勒其將

牽騰帥眾降峻子碩攻臺城

案五行志中作峻弟蘇石世說方正篇注引靈鬼志

誥微曰碩峻弟也是碩為峻弟此作峻子誤

又焚太極東堂祕閣皆盡城中

大飢米斗萬錢

魏書司馬徽傳曰韓光蘇碩等率眾攻苑苑中飢穀石四萬

二月大

雨霖景戌諸軍攻石頭李陽與蘇逸戰於祖浦陽軍敗

建威長史滕含以銳卒擊之逸等大敗含奉帝御于溫

嶠丹

魏書司馬徽傳曰蘇碩及章武王世子休率勁賊孔盧張偏等數十人擊李陽於祖浦退走碩等追

之庾冰司馬滕含以銳卒自後擊之碩逸等震潰奔於曲阿含入抱衍始得出奔溫嶠之丹案建威長史溫嶠

傳作奮威長史

羣臣頓首號泣請罪弋陽王羨有罪伏誅丁亥

大赦時兵火之後宮闕灰燼以建平園為宮甲午蘇逸

以萬餘人自延陵湖將入吳興乙未將軍王允之及逸

戰於溧陽獲之讀史方輿紀要十九日延陵湖或曰即洮湖洮湖一名長蕩湖在江寧府溧陽

縣北二十里晉書校文一日自延陵將入吳興者為韓

見張健等王允之及諸軍擊破之非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

逸則為義師斬於石頭見陶侃傳非獲於溧陽也蘇峻傳

太子毗

劉曜載記
太子名熙

與其大司馬劉盾帥百官奔于上邽

關中大亂三月王子以征西大將軍陶侃為太尉封長

沙郡公車騎將軍郗鑒為司空封南昌縣公平南將軍

溫嶠為驃騎將軍開府儀同三司封始安郡公其餘封

拜各有差

書鈔一百四十六陶侃故事曰蘇峻平後侃

故事曰侃

上成帝螺杯一枚御覽三百四十一陶公故

事曰臣侃

奉獻金鎔白珥四枚三百五十七陶公故

日臣侃

奉獻金華大羌楯五十橋青綾金華楯五庚午

十橋御覽

二百晉中興書曰平蘇峻功侯者八人

以右光祿大夫陸陟為衛將軍開府儀同三司復封高

密王紘為彭城王以護軍將軍庾亮為平西將軍都督

揚州之宣城江西諸軍事假節領豫州刺史

亮本傳作都督豫州

揚州之宣城江西諸軍事

鎮蕪湖夏四月乙未驃騎將軍始安公溫

嶠卒秋七月有星孛于西北會稽吳興宣城丹楊大水

詔復遭賊郡縣租稅三年八月劉曜將劉盾等帥眾侵

石生

廿二史攷異十八曰此與江州刺史劉盾同時而

又同姓名晉書校文一日盾曜子也不當目為將

次于雍九月石勒將石季龍擊盾斬之進屠上邽盡滅

劉氏坑其黨三千餘人冬十月廬山崩十二月壬辰右

將軍郭默害平南將軍江州刺史劉盾太尉陶侃帥眾

討默是歲天裂西北和四年冬天裂四此晉書曰成帝咸

蘇峻之子以萬人入吳興天下有兵關河轉亂明年石

勒僭位案此文似五行志而今本志中無之蓋有脫漏

五年春正月己亥大赦癸亥詔除諸將任子二月以尙

書陸琬爲尙書左僕射案琬爲玩孔愉爲右僕射夏五

月旱且飢疫乙卯太尉陶侃擒郭默于尋陽斬之石勒

將劉徵寇南沙都尉許儒遇害宋州郡志曰南沙本吳

祗七年罷鹽署立以爲南沙縣讀史方輿紀要進入海

二十三日南沙廢縣在常熟縣西北五十里

虞六月癸巳初稅田畝三升秋八月石勒僭卽皇帝位

御覽百二十引後趙錄勒使其將郭敬寇襄陽南中郎

稱帝在是年九月通鑑同將周撫退歸武昌中州流人悉降于勒郭敬遂寇襄陽

屯于樊城十七史商榷四十九月造新宮始繕苑城

拾補曰毛本一無始字當作毀九月造新宮始繕苑城

在宣陽門內咸和三年蘇峻作亂燒盡遂移入苑城咸

和六年以苑城爲宮乃徙出宣陽門外御街西今建初

寺門路東是時有七尉部江尉在三生渚西尉在延興

寺後巷東尉在吳大帝陵口今蔣山西門南尉在草寺

北湖宮寺前北尉在朝溝邨左尉在青溪孤首橋右尉

在沙寺輿地紀勝十七日臺城一日苑城卽古建康宮

城本吳後苑城晉咸和五年作新宮於此其城唐末尙

存案樂氏云六年與本紀書甲辰徙樂成王欽爲河間

於五年者異王氏則與紀同王封彭城王紘子浚爲高密王

高密王傳浚均作俊冬十

月丁丑幸司徒王導第置酒大會

東晉疆域志曰治城徐廣晉紀成帝適司

徒府游觀治城之園卽此也謂之西園一名治亭

李雄將李壽寇巴東建平監

軍母巨奧太守陽謙退歸宜都

李雄載記作楊謙華陽國志十二日征虜將軍

廣漢梓潼太守楊謙字令志成都人也

十二月張駿稱臣于石勒

六年春正月癸巳劉徵復寇婁縣遂掠武進乙未進司

徒郗鑒都督吳國諸軍事

讀史舉正曰按鑒傳當作司空

戊午以運漕

不繼發王公已下千餘丁各運米六斛

通典十運漕不繼上有海賊寇

抄四

二月己丑以幽州刺史大單于段遼爲驃騎將軍

通典一百九十六曰末波死國人立日陸眷弟護遼爲主案史作段遼省文

三月壬戌朔日

有蝕之癸未詔舉賢良直言之士夏四月旱六月景申

復故河間王顒爵位封彭城王植子融爲樂成王章武

王混子珍爲章武王

周家祿校勘記曰按封融文已見光熙元年又河間王顒傳顒被殺

詔以彭城元王植子融爲顒嗣改封樂成縣王薨無子建興中元帝又以彭城康王釋子欽爲融嗣上年欽已

由樂成徙封河間何因復有封融爲樂成王之孫也彭城以下十字衍文混當爲滔珍蓋滔之子混之孫也秋

七月李雄將李壽侵陰平武都氏帥楊難敵降之漾水

注曰漢獻帝建安中有天水氏楊騰者世居隴右爲氏大帥子駒勇健多計徙居仇池魏拜爲百頃氏王華陽

國志二曰永嘉初天水氏叟楊茂搜率種人爲寇保據其郡貢獻長安愍帝以胡寇方盛欲懷來戎翟拜驃騎

將軍茂搜長子難敵征南將軍少子八月庚子以左僕堅頭龍驤將軍茂搜死敵堅代爲主

射陸玩爲尙書令

七年春正月辛未大赦三月西中郎將趙盾司徒中郎

匡術攻石勒馬頭塢剋之勒將韓雍寇南沙及海虞石

載記作夏四月勒將郭敬陷襄陽五月大水秋七月景

辰詔諸養獸之屬損費者多一切除之御覽九百八十四

事曰咸和七年左右啟以米餽熊上曰此無益而費穀

且惡獸不宜畜遣使打殺以肉賜左右直人羣書治要

二十九引晉書成帝咸和七年詔除諸養禽之屬無益

者集書令史夏侯盛表云云案治要所引不知何家之

書表文繁不備錄太尉陶侃遣子平西參軍斌與南中郎將桓

宣攻石勒將郭敬破之剋樊城竟陵太守李陽拔新野

襄陽因而戍之冬十一月壬子朔進太尉陶侃爲大將

軍詔舉賢良十二月庚戌帝遷于新宮

八年春正月辛亥朔詔曰昔犬賊縱暴宮室焚蕩元惡

雖翦未暇營築有司屢陳朝會逼狹遂作斯宮子來之
勞不日而成既獲臨御大饗羣后九賓充庭百官象物
知君子勤禮小人盡力矣思蠲密網咸同斯惠其赦五
歲刑以下令諸郡舉力人能舉千五百斤以上者景寅
李雄將李壽陷寧州刺史尹奉及建寧太守霍彪並降
之案華陽國志九霍彪降在正月尹奉降在三月此俱在正月互異癸酉以張駿爲鎮
西大將軍景子石勒遣使致賂詔焚之夏四月詔封故
新蔡王弼弟邈爲新蔡王以束帛徵處士尋陽翟湯會
稽虞喜五月有星隕于肥鄉麒麟騶虞見于遼東乙未
車騎將軍遼東公慕容廆卒子皝嗣位

讀史舉正日案
上文正月辛亥

朔本月無乙未日通鑑作甲寅又孰嗣位通鑑在六月

卒秋七月戊辰石勒死載記勒死作子弘嗣偽位其將

石聰以譙來降案宋書天文志以譙歸從者爲彭彪彪蓋聰之屬將冬十月石弘

將石生起兵于關中稱秦州刺史遣使來降石弘將石

季龍攻石朗于洛陽因進擊石生俱滅之十二月石生

故部將郭權遣使請降

九年春正月隕石于涼州二以郭權爲鎮西將軍雍州

刺史石勒載記作秦州刺史案宋書天文志云二月丁

卯加鎮西大將軍張駿爲大將軍三月丁酉會稽地震

夏四月石弘將石季龍使石斌攻郭權于郿陷之御覽二百

七十五石偽事曰郭權降石虎虎問權曰卿若得吾者當殺不權曰若登時得至尊必殺不疑也虎曰卿健將也因與共言事案紀但言石斌陷郛六月李雄死載而不言郭權之降此紀載之疏略也

雄死作威其兄子班嗣偽位乙卯太尉長沙公陶侃薨和八年

侃傳作七年誤也大旱詔太官徹膳省刑恤孤寡貶

費節用辛未加平西將軍庾亮都督江荆豫益梁雍六

州諸軍事秋八月大雩自五月不雨至于是月五行志中五月

作四九月戊寅散騎常侍衛將軍江陵公陸隲卒冬十

月李雄子期弑李班而自立班弟玠與其將焦噲羅凱

等並來降十一月石季龍弑石弘自立為天王載記季龍弑弘

自立作咸康元年趙明誠金石錄曰趙橫山李君神碑題建武六年歲在庚子三月己亥二十一日癸丑按晉

書成帝紀石虎以咸和九年自立爲趙天王而載記云咸康元年僭稱居攝趙天王據帝紀則建武六年歲在己亥據載記則歲在庚子宋苞公紀年通譜獨以本紀爲據今此碑及西門豹祠殿基記並六年建皆云歲在庚子以此知帝紀之失非二碑則十二月丁卯以東海晉紀與載記得失不復可考矣

王冲爲車騎將軍琅邪王岳爲驃騎將軍蘭陵人朱縱斬石季龍將郭祥以彭城來降

咸康元年春正月庚午朔帝加元服大赦改元

初學記二十晉

中興書曰成帝咸康元年詔曰有司條典虔奉郊祀燔柴既饗芳氣清穆其赦天下令咸得自新增文

武位一等大酺三日賜鰥寡孤獨不能自存者米人五

斛二月甲子帝親釋奠揚州諸郡饑遣使振給三月乙酉幸司徒府夏四月癸卯石季龍寇厯陽加司徒王導

大司馬假黃鉞都督征討諸軍事以禦之癸丑帝觀兵

于廣莫門

讀史方輿紀要二十日外城北面之東曰廣莫門

分命諸將遣將軍

劉仕救厯陽平西將軍趙盾屯慈湖龍驤將軍路永戊

牛渚建武將軍王允之戍蕪湖司空郗鑒使廣陵相陳

光帥眾衛京師賊退向襄陽戊午解嚴石季龍將石遇

寇中廬南中郎將王國退保襄陽

晉書校文一日季龍載記石遇圍桓宣於

襄陽毛寶王國王愆期率荊州之眾救之遇攻守二旬

飢疫而返桓宣傳亦言宣鎮襄陽季龍使騎七千渡沔

攻之蓋卽是役然則是時保襄陽者爲桓宣

而王國等則救襄陽之師也謂爲退保誤秋八月長沙武陵大水東帛徵處士翟湯郭翻冬十月乙未朔日

有蝕之是歲大旱會稽餘姚尤甚米斗五百價人相賣

周家祿校勘記曰按咸和四年大饑米斗萬錢今僅五百不及十分之一不足爲貴疑斗當爲升古斗升相近升米五百比之咸和四年猶爲減半也

二年春正月辛巳彗星見于奎以吳國內史虞潭爲衛將軍二月算軍用稅米空懸五十餘萬石尙書謝褒已下免官辛亥立皇后杜氏大赦增文武位一等庚申高句驪遣使貢方物三月旱詔太官減膳免所旱郡縣繇役戊寅大雩夏四月丁巳皇后見于太廟雨雹秋七月揚州會稽饑開倉振給冬十月廣州刺史鄧嶽遣督護王隨擊夜郎新昌太守陶協擊興古並剋之類聚五十書曰咸康元年督護王隨領三千人討宜州賊吹三角皆裂軍人惡之隨曰裂者破也當破賊而得土地也案

王書作元年與本紀在二年者異

詔曰厯觀先代莫不褒崇明祀賓禮

三恪故杞宋啟土光于周典宗姬侯衛垂美漢冊自頃
喪亂庶邦殄悴周漢之後絕而莫繼其詳求衛公山陽
公近屬有履行修明可以繼承其祀者依舊典施行新
作朱雀浮桁十一月遣建威將軍司馬勳安集漢中爲
李期將李壽所敗

三年春正月辛卯立太學夏六月旱冬十月丁卯慕容
皝自立爲燕王

四年春二月石季龍帥眾七萬擊段遼于遼西遼奔于
平崗讀史方輿紀要十八曰平岡城在營州西南五百里漢縣爲右北平郡治剛一作岡或作崗夏

四月李壽弒李期僭卽僞位國號漢

晉書校文一日據華陽國志四月壽

廢期爲邛都縣公五月乃殺期此并屬之四月誤

石季龍爲慕容皝所敗癸丑

加皝征北大將軍五月乙未以司徒王導爲太傅都督

中外諸軍事司空郗鑒爲太尉征西將軍庾亮爲司空

六月改司徒爲丞相以太傅王導爲之秋八月景午分

益州置安州

廿二史及異十八日攷地理志是時所分者牂柯夜郎朱提越嶲四郡也前此惠帝

太安二年

傳元陽國志復置益州興古永昌雲南朱提越嶲

無根矣志又載李壽分益州興古永昌雲南朱提越嶲

河陽六郡爲漢州攷咸康四年正李壽僭位之日雖立此州亦未能盡有其地也

五年春正月辛丑大赦三月乙丑廣州刺史鄧嶽伐蜀

建寧人孟彥執李壽將霍彪以降

州人縛孟州刺史霍彪於晉舉建寧為晉遣右將軍李
位都討之時權在越嶲案孟彥乃太守不得稱為建寧
人霍彪乃刺史不得稱為李壽將本紀
誤也惟一作三月一作夏不知孰誤
夏四月辛未征

西將軍庾亮遣參軍趙松擊巴郡江陽獲石季龍將李

閔黃桓等

庾亮傳黃桓作黃植華陽國志九曰咸和五
年春二月晉將伐巴郡獲李閔閔恭子也初

壽許自牛鞞以東土斷與閔執政者以為不可乃止復
不益兵故覆沒案巴郡江陽非石氏所有李閔曾使鄴
還蜀亦非季龍之將帥據李壽載記石季龍遺壽書欲
連橫入寇壽大修船艦舟師沂江而上冀壯諫羣臣以
壯之言為然叩頭泣諫壽乃止並未言其與晉交兵與
本紀及華陽志皆不合當是史臣失實然本紀因有連
橫入寇之事遂以李閔為石季龍將誤矣通鑑作執漢
荆州刺史李巴郡太守黃為是又此事紀作四月華陽
志作二月
秋七月庚申使持節侍中丞相領揚州刺史始

興公王導薨辛酉以護軍將軍何充錄尚書事八月王

午復改丞相為司徒辛酉太尉南昌公鄒鑒薨讀史舉正曰王

午下書辛酉相距四十日又上七月已書庚申辛酉此辛酉日誤九月石季龍將夔安

李農陷河南張貉陷邾城因寇江夏義陽征虜將軍毛

寶西陽太守樊俊義陽太守鄭進並死之毛寶傳李農

作張貉渡樊俊作樊峻石季龍載記上作張賀度攻陷邾城夔安進據胡亭晉將軍黃冲歷陽太守鄭進皆降

之宋天文志樊俊又作樊俊校案賀度與貉渡為一首之轉水經注又作格度歷陽為義陽之誤推載記謂鄭進

降與本紀異夔安等進圍石城竟陵太守李陽距戰破之斬

首五千餘級安乃退遂略漢東擁七千餘家遷于幽冀

晉書校文一曰季龍載記上作七萬戶疑誇大之詞不足據五行志亦作七千餘家冬十二月景

戌以驃騎將軍琅邪王岳為司徒李壽將李奕寇巴東

守將勞揚戰敗死之

六年春正月庚子使持節都督江豫益梁雍交廣七州

諸軍事司空都亭侯庾亮薨

讀史舉正曰按亮傳督江荆豫益梁雍六州並無加

督交廣事此紀遺荆州而云交廣疑誤

辛亥以左光祿大夫陸玩爲司空

二月慕容皝及石季龍將石成戰于遼西敗之獻捷于

京師庚辰有星孛于太微三月丁卯大赦以車騎將軍

東海王冲爲驃騎將軍李壽陷丹川守將孟彥劉齊李

秋皆死之秋七月乙卯初依中興故事朔望聽政于東

堂冬十月林邑獻馴象十一月癸卯復琅邪比漢豐沛

七年春二月甲午朔日有蝕之

通鑑晉紀作甲子晉書校文一曰以下己卯旧

上推之二月朔不應爲甲
午當從天文志作甲子
己卯慕容皝遣使求假燕王

章璽許之三月戊戌杜皇后崩夏四月丁卯葬恭皇后

于興平陵

書鈔五十六晉要事曰咸康七年尙書僕射諸葛恢奏恭皇后今當山陵依舊公卿六品

清官爲挽郎非古也帝率曳國士爲之役夫其悉罷之實編戶王公已下皆正土

斷白籍

胡三省通鑑辨誤曰史炤釋文曰白籍謂白丁之籍耳余按江左之制諸土著實戶用黃籍僑

戶土斷白籍琅邪南度凡中土故家以至士庶自北來者至此時各因其所居舊土僑置郡縣名併置守令以統治之故曰正土斷不以黃籍籍之而以白籍謂以白紙爲籍以別於江左舊來土著者也若以爲白丁之籍則王公豈秋八月辛酉驃騎將軍東海王冲薨九月罷白丁哉

太僕官冬十二月癸酉司空興平伯陸玩薨除樂府雜

伎御覽五百六十九晉成帝咸康七年散騎常侍郎顧
蔡表曰末代之樂設禮外之觀逆行連倒四海朝觀

言觀帝庭而足以蹈天道而履地紀反天地之順傷爨
倫之大乃命太常悉罷之其後復高緇紫鹿案是年之
除雜伎蓋出自顧臻表請史文罷安州地理志
不著其名幸御覽引有此文也作八年

八年春正月己未朔日有蝕之天文志中作乙未朔案

酉則次年正月朔不得為乙丑大赦三月初以武悼楊
己未當從志作乙未為是

皇后配饗武帝廟通鑑晉紀作二月五禮通考一百四

后自唐始夏六月庚申帝不念讀史舉正曰按上正月

蓋誤記也有庚申日通鑑作庚寅是詔曰朕以眇年獲嗣洪緒託于王公之上

于茲十有八年未能闡融政道翦除逋祲夙夜戰兢匪

遑寧處今遘疾殆不興是用震悼于厥心于齡眇眇未

堪艱難司徒琅邪王岳親則母弟體則仁長君人之風

允塞時望肆爾王公卿士其輔之以祇奉祖宗明祀協
和內外允執其中嗚呼敬之哉無墜祖宗之顯命壬辰
引武陵王晞會稽王昱中書監庾冰中書令何充尙書
令諸葛恢並受顧命癸巳帝崩于西堂時年二十二葬
興平陵

元和郡縣圖志二十五曰成帝衍興平陵在上元縣北六里雞籠山

廟號顯宗帝

少而聰敏有成人之量南頓王宗之誅也帝不之知及
蘇峻平問庾亮曰常曰白頭公何在亮對以謀反伏誅
帝泣謂亮曰舅言人作賊便殺之人言舅作賊復若何
亮懼變色庾懌嘗送酒於江州刺史王允之允之與犬
犬斃懼而表之帝怒曰大舅已亂天下小舅復欲爾邪

憚聞飲藥而死然少爲舅氏所制不親庶政及長頗留心萬機務在簡約常欲于後園作射堂計用四十金以勞費乃止雄武之度雖有愧於前王恭儉之德足追蹤于往一作前烈矣

康帝

康皇帝諱岳

通典一百四曰康帝諱岳是五山之大名

許翰議案爾雅無舊訓非可造立五山之名取其大而

高也其詩曰於皇時周陟其高山高山則岱衡華恒也

周禮謂之五岳詩人謂之高山字無詰訓而有二名今若舉名別之宜曰高取義爲訓宜如前曰嵩也字

世同成帝母弟也咸和元年封吳王二年徙封琅邪王九年拜散騎常侍加驃騎將軍咸康五年遷侍中司徒

八年六月庚寅成帝不念詔以琅邪王爲嗣癸巳成帝崩甲午卽皇帝位大赦諸屯戍文武及二千石官長不得輒離所局而來奔赴己亥封成帝子丕爲琅邪王奕爲東海王時帝諒陰不言委政于庾冰何充類聚十三晉中興書日憂哀不忍言政秋七月景辰葬成皇帝于興平陵帝一委中書監庾冰親奉奠于西階既發引徒行至閭闔門升素輿至于陵所己未以中書令何充爲驃騎將軍八月辛丑彭城王紘薨以江州刺史王允之爲衛將軍九月詔琅邪國及府吏進位各有差府吏元本作府吏冬十月甲午衛將軍王允之卒十二月增文武位二等壬子立皇后褚氏

建元元年春正月改元

通典五十五日康帝立准禮將改元尚書下侍御史太常主者

殿中屬應告廟其勒禮官并太史擇吉日撰祝文振恤及諸應所用備辦符到奉行博士徐禪議謂應告

鰥寡孤獨三月以中書監庾冰爲車騎將軍夏四月益

州刺史周撫西陽太守曹據伐李壽敗其將李恒于江

陽

庾翼傳作李恒

五月旱六月壬午又以束帛徵處士南陽翟

湯會稽虞喜

案南陽爲尋陽之誤

有司奏成帝崩一周請改素服

御進膳如舊壬寅詔曰禮之降殺因時而寢興誠無常

矣至

一本無至字

於君親相準名教之重莫之改也權制之作

蓋出近代雖曰適事實弊薄之始先王崇之後世猶怠

而況因循又從輕降義弗可矣石季龍帥眾伐慕容皝

孰大敗之秋七月石季龍將戴閎帥眾來降丁巳詔曰
慕容孰摧殄羯寇乃云死沒八萬餘人將是其天亾之
始也中原之事宜加籌量且戴閎已帥部黨歸順宜見
慰勞其遣使詣安西驃騎諮謀諸軍事以輔國將軍琅
邪內史桓溫爲前鋒小督假節帥眾入臨淮安西將軍
庾翼爲征討大都督遷鎮襄陽通鑑晉紀考異曰按翼傳翼先表移鎮安陸至夏口上表云九月十九日發武昌二十四日達夏口始請徙鎮襄陽始詔加都督征討諸軍事故知不在此月
開七庚申晉陵吳郡災八月李壽死子勢嗣僞位石季

龍使其將劉寧攻陷狄道冬十月辛巳以車騎將軍庾

冰都督荆江司雍益梁六州諸軍事江州刺史

晉書校文一日

冰傳作督江荆益梁交廣七州豫州之西郡軍事與此異攷孫綽庾冰碑銘序四駁五檄六亦作都督江荆益梁交廣七州諸軍事而無豫州之西郡軍事七以字疑當以碑文為實錄此紀與冰傳均有訛誤也

驃騎將軍何充為中書監都督揚豫二州諸軍事揚州

刺史

周家祿校勘記曰按傳充為中書監在穆帝錄尙初康獻皇后臨朝之時都督有徐州之琅邪錄尙

書事輔政以琅邪內史桓溫都督青徐兗三州諸軍事

徐州刺史褚裒為衛將軍領中書令十一月己巳大赦

十二月石季龍侵張駿駿使其將軍謝艾拒之大戰于

河西季龍敗績

晉書校文一日又二年正月張駿遣其將和驎謝艾討南羌于闐和大破之攷

謝艾敗季龍事亦見載記然二役均不載於張駿傳艾於張重華時始由主簿薦授中堅將軍以破麻秋功封福祿伯在駿時並未為將何從敗季龍討于闐乎疑紀所載皆非實錄故駿傳絕不一及也為新時有功然以

帝和及重華傳載
此二事實類多外信
重書

十二月高句驪遣使朝獻讀史舉正
日十二月

二年春正月張駿遣其將和麟謝艾討南羌于闐和大

破之二月慕容皝及鮮卑帥宇文歸戰于昌黎歸眾大

敗奔于漠北讀史舉正曰按皝載記宇文敗徙其部人
于昌黎再據通鑑其戰在宇文之南羅城

即皝所改之威德四月張駿將張驩敗石季龍將王擢

于三交城元作瑾與載記同讀史方輿紀要五
十五曰三交城在寶雞縣西三十里秋八月

景子進安西將軍庾翼爲征西將軍庾辰持節都督司

雍梁三州諸軍事梁州刺史平北將軍竟陵公桓宣卒

晉書校文一曰宣以丹水之敗貶爲建威將軍後庾翼
以爲鎮南將軍南郡太守未至官發憤卒事具宣傳此

所書乃宣前所歷官也傳言
宣以功封竟陵男亦非公
丁巳以衛將軍褚裒為特

進都督徐兗二州諸軍事兗州刺史鎮金城讀史舉正曰通鑑丁巳乃閏八月晉書校文一曰以上丙子日下推九月巳之則八月中不應有丁巳蓋相去四十一日也

東太守楊謙擊李勢勢將申陽走之獲其將樂高景申

立皇子珥為皇太子御覽一百八十四晉中興書曰建元二年康帝疾篤左光祿大夫領司徒謨尚書令恢等上疏曰臣聞皇義元邈五帝攸往

司徒謨尚書令恢等上疏曰臣聞皇義元邈五帝攸往

哀不風燒散三王傳嗣欲令國有常居民有定奉關諸盛

姿彰於始年大成之風顯於期月宜建立儲宮允副民

望諸下太史擇吉日告

宗廟備禮奉行奏可

戊戌帝崩于式乾殿通鑑帝紀注曰建康

宮殿皆用時年二十三葬崇平陵

元和郡縣圖志二十

洛都舊名初成帝有疾中書令庾冰自以舅氏

在上元縣東北二

十里蔣山西南

當朝權侔人主恐異世之後戚屬將疎乃言國有彊敵
宜立長君遂以帝爲嗣制度年號再興中朝因改元曰
建元或謂冰曰郭璞識云立始之際丘山傾立者建也
始者元也丘山諱也冰瞿然既而歎曰如有吉凶豈改
易所能救乎至是果驗云諸史拾遺曰案郭璞傳庾翼幼時嘗令璞筮公家及身卦
成曰建元之際邱山傾長順之初子周零及康帝卽位
將改元爲建元或謂庾冰曰子忘郭生之言邪邱山上
名此號不宜用冰撫心歎恨此卽一事而文小異恭帝
紀帝在藩國會令善射者射馬爲戲既而有人云馬者
國姓而自殺之不祥之甚帝亦悟甚悔之五行志恭帝
爲琅邪王好奇戲嘗關一馬於門內令人射之欲觀幾
箭死左右有諫者曰馬國姓也今射之不祥於是乃止
而馬已被十許箭矣此亦一事而重出也案魏書司馬
叡傳曰或告冰曰子作年號乃不視識也識
云建元之末丘山崩所記識文與本紀小異

史臣曰肆虐滔天豈伊朝夕若乃詳刑不怨庶情猶仰
又可以見逆順之機焉成帝因削弱之資守江淮之地
政出渭陽聲乖威服凶徒既縱神器阽危京華無敖庾
之資宮室類咸陽之火桀犬吠堯封狐嗣亂方諸后羿
曷若斯之甚也反我皇駕不有晉文之師繫于苞桑且
賴陶公之力古之侯服不幸臣家天子宣遊則避宮北
面聞諸遺策用爲恆範顯宗于王導之門斂衣前拜豈
魯公受玉之卑乎帝亦克儉于躬庶能激揚流弊者也
贊曰惟皇夙表余舅爲毗勤於致寇拙於行師火及君
屋兵纏帝帷石頭之駕海內含悲康后天資居哀禮縟

墜典方興降齡奚促

晉書斟注卷七

晉書斟注卷八

錢塘吳士鑑

同注

烏程劉承幹

帝紀第八

穆帝

穆皇帝諱聃字彭子

文選薦譙元彥表注引何法盛晉書同六朝事迹編類誤引作字彭

祖康帝子也

御覽一百五十一晉中興書曰康獻皇后褚氏生孝穆皇帝

建元二年

九月景申立爲皇太子戊戌康帝崩己亥太子卽皇帝

位時年二歲大赦尊皇后爲皇太后壬寅皇太后臨朝

攝政冬十月乙丑葬康皇帝于崇平陵十一月庚辰車

騎將軍庾冰卒

文館詞林四百五十七孫綽撰庾冰碑銘曰冬十有一月九日薨於位

永和元年春正月甲戌朔皇太后設白紗帷於太極殿

抱帝臨軒改元

御覽二十九晉起居注曰永和元年正月辛未朔雨不會甲戌皇太后登太極

前殿施紗幃郭與上臨饗羣臣案據起居注所言元日以雨不會故越三日始臨前殿本紀蓋誤以甲戌為朔

耳甲申進鎮軍將軍武陵王晞為鎮軍大將軍開府儀

同三司以鎮軍將軍顧眾為尚書右僕射

本傳鎮軍夏作領軍

四月壬戌詔會稽王昱錄尚書六條事五月戊寅大雩

尚書令金紫光祿大夫建安伯諸葛恢卒六月癸亥地

震秋七月庚午持節都督江荆司梁雍益寧七州諸軍

事江州刺史征西將軍都亭侯庾翼卒

晉書校文一日翼傳作都督江

荆司雍梁益六州此多一州互異攷張望所撰庾翼碑
醜醜確樹翼於康帝晏駕後進督江荆司冀雍梁益
七州諸軍事然則翼傳言六州蓋漏書後增督冀州事
此紀作七州自是實錄惟益州翼碑作冀州疑誤在紀
翼部將于瓚戴義等殺冠軍將軍曹據舉兵反安西司
馬朱燾討平之八月豫州刺史路永叛奔於石季龍庚
辰以輔國將軍徐州刺史桓溫爲安西將軍讀史舉正
日按上正
月甲戌朔八月持節都督荆司雍益梁益六州諸軍事
不當有庚辰
領護南蠻校尉荆州刺史石季龍將路永屯于壽春九
月景申皇太后詔曰今百姓勞弊其共思詳所以振卹
之宜及歲常調非軍國要急者竝宜停之冬十二月李
勢將爨頽來奔涼州牧張駿伐焉耆降之

二年春正月景寅大赦己卯使持節侍中都督揚州諸

軍事揚州刺史驃騎將軍錄尚書事都鄉侯何充卒二

月癸丑以左光祿大夫蔡謨領司徒錄尚書六條事撫

軍大將軍會稽王昱及謨竝輔政三月景子以前司徒

左長史殷浩爲建武將軍揚州刺史晉書校文一日浩傳言頻陳讓自三

月至七月乃拜受則此時浩實未居官但有詔書耳夏四月己酉朔日有蝕之文天

志無朔字五月景戌涼州牧張駿卒子重華嗣六月石季龍

將王擢襲武街執張重華護軍胡宣又使麻秋孫伏都

伐金城太守張冲降之重華將謝艾擊秋敗之周家祿校勘記

日上事季龍載記皆在永和三年案本紀下文三年八月複出張重華將謝艾進擊麻秋大敗之蓋卽一事也

秋七月以兗州刺史褚裒爲征北大將軍開府儀同三司冬十月地震十一月辛未安西將軍桓溫帥征虜將軍周撫輔國將軍譙王無忌建武將軍袁喬伐蜀拜表輒行十二月枉矢自東南流於西北其長竟

元木作半天

三年春三月乙卯桓溫攻成都剋之丁亥李勢降益州平

晉書校文一日乙卯至丁亥相去三十三日不應在一月中必有譌誤

林邑范文攻陷

日南害太守夏侯覽以尸祭天夏四月地震蜀人鄧定

隗文舉兵反桓溫又擊破之使益州刺史周撫鎮彭模

水經江水注曰江水自武陽東至彭亡聚謂之平模水亦曰外水注云昔岑彭與吳漢憐江水入蜀軍次是地爲刺客所害此地有彭冢有彭祖冢焉案彭模與平模爲一音之轉譙縱傳作平模宋書朱齡石及蒯恩傳均

作彭模

丁巳鄧定隗文復入據成都

羣書拾補曰毛云一無復字

征虜

將軍楊謙棄涪城退保德陽五月戊申進慕容皝爲安

北將軍石季龍又使其將石宣麻秋等伐涼州

風俗通曰麻齊

大夫麻嬰之後張鷟朝野僉載曰石勒將麻秋者太原胡人也植性尅險鷟毒有兒啼母輒恐之麻胡來啼聲絕至今以次於曲柳張重華使將軍牛旋禦之退守枹爲故事

罕六月辛酉大赦秋七月范文復陷日南害督護劉雄

隗文立范賁爲帝八月戊午張重華將謝艾進擊麻秋

大敗之九月地震冬十月乙丑假涼州刺史張重華大

都督隴右關中諸軍事護羌校尉大將軍武都氏王楊

初爲征南將軍雍州刺史平羌校尉仇池公

華陽國志二曰天水

氏使楊茂搜長子難敵少子堅頭敵堅死難敵及堅頭
也子盤毅復代為主咸康四年楊難敵妻死葬陰平後漢
代爲主水經漾水注曰氏王楊難敵弟初鯨盤毅兄弟
書西南夷傳注郭仲產仇池記曰仇池百頃周回九千
四步天形四方壁立千仞自然樓櫓卻敵分置調均
竦起數丈有踰人功仇池凡二十一上則崗阜低昂泉流交
西二門盤道下至凡有七里上則崗阜低昂泉流交
灌御覽四十四辛氏三秦記曰仇池上有數萬家一人守
砥其南北有山路東西絕壁百仞上則有數萬家一人守
道萬夫莫向山勢自然有樓櫓卻敵之狀史記謂秦得
百二之固也西晉末爲氏楊茂搜所據於山立宮室
困倉皆爲板屋乃氏之所埋於此今謂之洛谷道是也
又秦州記曰仇池山本名仇維山形似覆壺上廣百頃
下周數十里高二十餘里水經漾水注曰漢水又東南
逕瞿堆西又屈逕瞿堆南注云絕壁峭峙孤險雲高望
之形若覆唾壺高二十餘里羊腸盤道三十六迴開山
圖謂之仇夷上有平田百頃煮土成鹽因以百頃爲號
山上豐水泉所謂清泉湧沸潤氣上流者也漢武帝元
鼎六年開以爲武都郡天池大澤在西故以都爲目矣
王莽更名樂平郡縣曰循虜常璩范曄云郡居河池一

名仇池地方百頃卽指此也左右悉白馬氏矣通鑑晉紀注三秦記曰仇池山在倉洛二谷之間常爲水所衝激故下石而上土形似覆壺讀史方輿紀要五十九曰仇池城在成縣西北百里月振威護軍蕭敬文害征虜將軍楊謙攻涪城陷之遂取巴西通于漢中

四年夏四月范文寇九德林邑傳作九真通鑑晉紀同多所殺害五

月大水秋八月進安西將軍桓溫爲征西大將軍開府

儀同三司封臨賀郡公西中郎將謝尙爲安西將軍九

月景申慕容皝死子雋嗣僞位載記雋作儁廿二史攷異十八日按皝雖稱燕

王尙稱臣於晉雋嗣位之始未僭帝號於例不當書僞位也冬十月己未地震石季

龍使其將苻健寇竟陵十二月豫章人黃潛自號孝神

皇帝聚眾數千寇臨川太守庾條討平之庾條傳數千作數百人

五年春正月辛巳朔大赦讀史舉正曰通鑑作辛未爲是庚寅地震石

季龍僭卽皇帝位于鄴二月征北大將軍褚裒使部將

王龕北伐廿二史攷異十八曰褚裒傳作徐龕按太山太守徐龕先已爲石勒所殺當從紀案魏書

司馬叙傳作督護王龕足證非徐龕也獲石季龍將支重夏四月益州刺

史周撫龍驤將軍朱熹擊范賁獲之益州平封周撫爲

建城公假慕容雋大將軍幽平二州牧載記作幽冀并平四州大

單于燕王征西大將軍桓溫遣督護滕駿討范文爲文

所敗石季龍死子世嗣僞位五月石遵廢世而自立六

月桓溫屯安陸遣諸將討河北水經潁水篇曰又南過江夏安陸縣西注云潁

水又逕新城南永和五石遵揚州刺史王浹以壽陽來

年晉大司馬桓溫築御覽三百五十八晉起居注曰晉冠軍將軍王浹表

降臣以發許昌城內北人諸將孫凱等謀欲逼臣留身

驅遣南人臣初出城門乃相纏繞率臣馬鞭臣手秋七

刃斬截僅乃得出案王浹此表正述其來降時事

月褚裒進次彭城遣部將王龕李邁及石遵將李農戰

于代陂褚裒傳李農作李菟東晉疆域志曰鄒王師敗

績王龕為農所執魏書司馬叡傳作李農逆李邁死之

八月褚裒退屯廣陵西中郎將陳達焚壽春而遁魏志

傳注陳氏譜羣之後名位遂微謹孫佐佐子準太尉封

廣陵郡公準孫達字林道有譽江左為西中郎將追贈

衛將梁州刺史司馬勳攻石遵長城成仇池公楊初襲

西城皆破之冬十月石遵將石遇攻宛陷之執南陽太

守郭啟司馬勲進次懸鉤石季龍故將麻秋距之勲退
還梁州十一月景辰石鑒弒石遵而自立十二月己酉
使持節都督徐兗二州諸軍事徐州刺史征北大將軍
開府儀同三司都鄉侯褚哀卒以建武將軍吳國內史
荀羨爲使持節監徐兗二州諸軍事北中郎將徐州刺

史羨本傳建武作建威

六年春正月帝臨朝以褚哀喪故懸而不樂閏月冉閔

弒石鑒僭稱天王國號魏鑒弟祗僭帝號于襄國通鑑紀

考異引三十國晉春秋在三月非閏月葉廷琯吹網錄
日晉紀穆帝永和六年閏月考異云帝紀正月後云閏
月三十國晉春秋皆云閏正月案長厯閏二月帝紀閏
月有丁丑己丑是歲正月癸酉朔若閏正月卽無丁丑

己丑今以長厯為據按考異所辨閏月為閏二月已甚
明確考晉書帝紀雖於正月後云閏月然以下無二月
即繼以三月蓋帝紀閏二月本不誤特因二月無事可
書其下閏月遂無所繫溫公慮其溷於閏正月故為辨
之丁丑彗星見于亢己丑加中軍將軍殷浩督揚豫徐
兗青五州諸軍事假節氏帥苻洪遣使來降以為氏王
封廣川郡公假洪子健節監河北諸軍事右將軍封襄
國縣公三月石季龍故將麻秋鵠殺苻洪于枋頭水經
注曰洪水又南歷枋堰漢建安九年魏武王於水口下
大枋木以成堰過洪水東入白溝以通漕運故時人號
其處為枋頭讀史方輿紀要十六日枋頭夏五月大水
城在濬縣西南七十里即今之洪門渡廬江太守袁真攻合肥剋之六月石祗遣其弟琨攻冉
閔將王泰于邯鄲琨師敗績秋八月輔國將軍譙王無

忌薨苻健帥眾入關冬十一月冉閔圍襄國十二月免
司徒蔡謨爲庶人是歲大疫

七年春正月丁酉日有蝕之辛丑鮮卑段龕以青州來
降苻健僭稱王國號秦二月戊寅以段龕爲鎮北將軍
封齊公石祗大敗冉閔于襄國夏四月梁州刺史司馬
勳出步騎三萬自漢中入秦川與苻健戰于五丈原王
師敗績加尙書令顧和開府儀同三司劉顯弒石祗五
月祗兖州刺史劉啟自鄆城來奔載記祗秋七月尙書
令左光祿大夫開府儀同三司顧和卒甲辰潯水入石
頭溺死者數百人八月冉閔豫州收張遇以許昌來降

冉閔載記張遇作冉遇廿二史攷異十八日按是時洛陽亦入於晉故九月即有修復山陵之使也洛陽晉之故都準以史法其得與失皆當大書於本紀乃晉史於永和七年太元九年辛未收復洛陽皆略而不書失輕重之宜矣攷永嘉五年辛未劉聰陷洛陽厥後陷於劉石者凡四十年至永和七年辛亥石氏亂而晉復有之桓溫因有移都之議越十有四年為興寔三年乙丑而為慕容恪所陷苻堅滅慕容氏洛陽又入於秦前後陷沒凡十有九年至太元九年甲申苻氏亂而晉再有之越十年為義熙十二年丙辰劉裕伐後秦將姚光以洛陽降而晉三有之及宋武受禪洛陽猶在晉域也東晉君臣雖偏安江左猶能卓然自立不與劉石通使舊京雖失旋亦收復視南宋之稱臣稱姪恬不為恥者相去霄壤矣詎可以清拜鎮西將軍九月峻陽太陽二陵崩晉書談輕之哉峻陽作峻平蓋誤甲辰帝素服臨于太極殿三日遣兼太常趙拔修復山陵冬十月雷雨震電十

一月石祗將姚弋仲冉閔將魏脫各遣使來降以弋仲
爲車騎將軍大單于封高陵郡公弋仲子襄爲平北將
軍都督并州諸軍事并州刺史平鄉縣公姚襄載記作
卽王縣公
脫爲安北將軍監冀州諸軍事冀州刺史十二月辛未
征西大將軍桓溫帥眾北伐次于武昌而止時石季龍
故將周成屯廩丘高昌屯野王樂立屯許昌冉閔載記
作高崇樂
宏李歷屯衛國皆相次來降

八年春正月辛卯日有蝕之劉顯僭帝號于襄國冉閔
擊破殺之晉書校文一日以御覽所引後趙錄攷之則
顯弑石祗在永和六年四月僭號在七月冉
閔載記雖無顯僭號年月然次其事於冉閔等來降之
前今攷前年紀遇來降在八月則顯之僭帝在七月明

矣此屬之八年正月誤至閔殺顯後趙錄在二月苻健
此並屬之正月亦互異麟結綱戮顯在趙劉妃顯苻健
僭帝號于長安二月峻平崇陽二陵崩戊辰帝臨三日
遣殿中都尉王惠如洛陽以衛五陵鎮西將軍張遇反
于許昌使其黨上官恩據洛陽樂弘攻督護戴施於倉
垣三月使北中郎將荀羨鎮淮陰苻健別帥侵順陽太
守薛珍擊破之夏四月冉閔為慕容雋所滅雋僭帝號
于中山稱燕安西將軍謝尙帥姚襄與張遇戰于許昌
之誠橋王師敗績苻健使其弟雄襲遇虜之秋七月大
雩通典四十三日東晉穆帝永和年有司議制雩壇於
國南郊之旁依郊壇近遠雩雩壇在司議制雩壇於
城東南雩壇之旁依郊壇近遠雩雩壇在司議制雩壇於
上帝百辟旱則祈雨大雩社稷山林川澤雩雩壇在司議制雩壇於
冬雩雩壇在司議制雩壇於
夏雩雩壇在司議制雩壇於

陽辛酉河南太守戴施奔鮪渚

讀史方輿紀要四十八日岑原邱在鞏縣西北

三十里水經注山臨大河下有穴謂之鞏穴

丁卯地震

潛通淮浦北達於河直穴有濟謂之鮪渚
有聲如雷二月己丑太尉征西將軍桓溫帥師伐關中

廢揚州刺史殷浩為庶人以前會稽內史王述為揚州

刺史夏四月己亥溫及苻健子萇戰于藍田大敗之五

月江西乞活郭敞等執陳畱內史劉仕而叛京師震駭

諸史拾遺曰此陳畱當僑治於堂邑界義熙中檀詔向

彌檀祇並為秦郡太守北陳畱內史虞邱進亦以秦郡

太守督陳畱郡事秦郡為堂邑改名知陳畱亦在堂邑

也堂邑正江西之地與建康密邇故京師為之震駭宋

志有兩陳畱郡其一屬豫州領浚儀小黃白馬雍邱四

縣寄治譙郡長垣縣界此義熙以後別以僑戶增置永

和以前恐未有此郡也或疑此陳畱即寄治譙郡者則

淮北荒遠之地即有叛人自可命將討之何至震驚京

師耶其一屬南豫州領浚儀小黃雍邱白馬襄邑封邱尉氏七縣此則淮南之陳留或卽晉末之北陳留乎

以吏部尙書周閔爲中軍將軍屯于中堂豫州刺史謝

尙自厯陽還衛京師六月苻健將苻雄悉眾及桓溫戰

于白鹿原王師敗績水經渭水注三秦記曰麗山西有白鹿原元和郡縣圖志一日藍田

縣白鹿原在縣六里晉桓溫伐苻健督護鄧遐等奮擊在白鹿原卽此地也秋九月辛酉桓

溫糧盡引還

十一年春正月甲辰侍中汝南王統薨平羌校尉仇池

公楊初爲其部將梁式所害宋書氏胡傳作梁式王初子國嗣位

因拜鎮北將軍秦州刺史齊公段龕襲慕容雋將榮國

於郎山敗之夏四月壬申隕霜乙酉地震五行志壬申下有朔字

姚襄帥眾寇外黃冠軍將軍高季大破之五月丁未地
又震六月苻健死其子生嗣僞位秋七月宋混張瓘弑
張祚而立耀靈弟玄靚爲大將軍涼州牧遣使來降以
吏部尙書周閔爲尙書左僕射領軍將軍王彪之爲尙
書右僕射冬十月進豫州刺史謝尙督并冀幽三州諸
軍事鎮西將軍鎮馬頭東晉疆域志曰馬頭郡沈志屬南豫州故淮南當塗縣地晉安
帝置凡領縣一零讀史方輿紀要二十六曰馬頭山在
六安州北杜佑曰晉永和中謝尙鎮馬頭城在盛唐縣
之十二月慕容恪帥眾寇廣固壬戌上黨人馮鴛自稱
太守背苻生遣使來降

十二年春正月丁卯帝臨朝以皇太后母喪懸而不樂

鎮北將軍段龕及慕容恪戰于廣固大敗之

晉書校文一日慕容

僞載記則言大敗龕與此紀正相反

恪退據安平二月辛丑帝講孝經

經

釋文敘錄曰孝經世所行鄭注相承以爲鄭玄案鄭志及中經簿無惟中朝穆帝集講孝經云以鄭玄爲主隋經籍志有晉孝經一卷注云穆帝時今案當是講孝經時所作故次於孝武帝孝經講議之前

三月姚

襄入於許昌以太尉桓溫爲征討大都督以討之秋八

月己亥桓溫及姚襄戰于伊水大敗之襄走平陽徙其

餘眾三千餘家於江漢之閒執周成而歸使揚武將軍

毛穆之督護陳午輔國將軍河南太守戴施鎮洛陽冬

十月癸巳朔日有蝕之慕容恪攻段龕於廣固使北中

郎將荀羨帥師次于琅邪以救之十一月遣兼司空散

騎常侍車灌龍驤將軍袁真等持節如洛陽修五陵

通典

一百二作永和十二年修復峻平四陵

十二月庚戌以有事于五陵告于

太廟帝及羣臣皆服總于太極殿臨三日是歲仇池公楊國爲其從父俊所殺俊自立

升平元年春正月壬戌朔帝加元服告于太廟始親萬機大赦改元增文武位一等皇太后居崇德宮丁丑隕

石于槐里一是月鎮北將軍齊公段龕爲慕容恪所陷

遇害

通鑑晉紀在永和十二年十一月晉書校文一日

害天

據僞載記恪克廣固以龕爲伏順將軍則實未遇

害天扶南天竺旃檀獻馴象詔曰

昔先帝以殊方異獸或爲人患禁之今及其未至可令

還本土

梁書扶南傳引詔語有此物勞費不少駐令勿送二句晉書校文一日扶南傳作竺旃檀南史

梁書同此誤衍天字

三月帝講孝經壬申親釋奠于中堂夏五月

庚午鎮西將軍謝尚卒苻生將苻眉苻堅擊姚襄戰於

三原斬之

苻生載記苻眉作苻黃眉

六月苻堅殺苻生而自立以軍

司謝奕爲使持節都督安西將軍豫州刺史

晉書校文一日以奕

傳攷之持節都督下脫豫司冀并四州軍事入字證以

下二年紀奕卒以謝萬爲西中郎將持節監司豫冀并

四州諸軍事豫州刺史之文

益明蓋萬卽繼奕之任者也秋七月苻堅將張平以并

州降遂以爲并州刺史八月丁未立皇后何氏大赦賜

孝悌鰥寡米人五斛逋租宿債皆勿收大酺三日冬十

月皇后見於太廟十一月雷十二月以太常王彪之爲

尙書左僕射

二年春正月

類聚三十九晉起居注曰穆帝升平二年正月朔朝會是日賜眾官醕醢酒

司

徒會稽王昱稽首歸政帝不許三月慕容雋陷冀州諸郡詔安西將軍謝奕北中郎將荀羨北伐三月秋飛督

王饒獻鳩鳥帝怒鞭之二百使殿中御史焚其鳥于四

達之衢

初學記二十四晉中興書曰穆帝升平二年詔曰秋飛督王饒忽上吾鳩以辟惡此凶物豈宜

妄進於是頓鞭饒二百使殿中孫雲監於四衢道焚之

帝爲

烈宗夏五月大水有星孛于天船六月并州刺史張平

爲苻堅所逼帥眾三千奔于平陽堅追敗之慕容恪進據上黨冠軍將軍馮騫以眾叛歸慕容雋盡陷河北

之地秋八月安西將軍謝奕卒壬申以吳興太守謝萬
爲西中郎將持節監司豫冀并四州諸軍事豫州刺史
以散騎常侍郗曇爲北中郎將持節都督徐兗青冀幽
五州諸軍事徐兗二州刺史鎮下邳通鑑晉紀考異曰
曇傳云荀羨有疾
以曇爲軍司頃之羨徵還除曇北中郎將都督刺史按
帝紀十二月北中郎將荀羨及慕容雋戰于山莊王師
敗績燕書十二月荀羨寇泰山殺太守賈堅載記荀羨
殺賈堅下云敗羨復陷山莊故知八月曇未爲徐兗二
州恐始爲冬十月乙丑陳畱王曹勣薨通典七十四王
彪之優賜陳畱
軍司耳王議曰山陽公薨故事給絹二百匹山陽於今稍十一
遠可特給絹布二百匹錢三十萬宜少優於山陽十一
月庚子雷辛酉地震十二月北中郎將荀羨及慕容雋
戰于山莊王師敗績

三年春三月甲辰詔以比年出軍糧運不繼王公已下

十三戶借一人一年助運秋七月平北將軍高昌爲募

容雋所逼自白馬奔于滎陽晉書校文一曰攷雋載記奔滎陽者爲李厯昌則奔

於邵陵冬十月慕容雋寇東阿遣西中郎將謝萬次下蔡

北中郎將郗曇次高平以擊之王師敗績晉書校文一曰雋載記晉

太山太守諸葛攸伐其東郡雋遣慕容恪距戰王師敗績謝萬先據梁宋懼而遁歸與此互異以兩人傳攷之

則郗戰失利萬聞而退歸也十一月戊子進揚州刺史王述爲衛將

軍十二月又以中軍將軍琅邪王丕爲驃騎將軍東海

王奕爲車騎將軍封武陵王晞子璿爲梁王交州刺史

溫放之帥兵討林邑參黎耽潦竝降之水經溫水注三十六林邑記曰

升平三年溫放之征范佛於灣分界陰陽圻又注曰稽
古夷俗城開四門東爲前門當兩淮渚濱於曲路有古
碑夷書銘讚前王胡達之德西門當兩重壑北迴上山
山西卽淮流也南門度兩重壑對溫公壘升平二年交
州刺史溫放之殺交趾太守杜寶別駕阮朗遂征林邑
水陸累戰佛保城自守重求請服聽之今林邑東城南
五里有溫公二壘是也案四夷傳作升平末廣州刺史
滕合率眾伐之佛懼請降殆卽是役合交廣二州以討
之也丁氏晉書校文四謂是放非合恐未盡確寰宇記
一百七十六又言九真太守灌遂率兵討佛走之遂追
至林邑未知與此役是一是二

四年春正月仇池公楊俊卒子世嗣景戌慕容雋死子
暉嗣僞位二月鳳皇將九雛見于豐城御覽九百十五
晉陽秋曰鳳皇
將九子見鄖鄉之豐城讀史方輿紀要
八十四日鳳凰山在豐城縣東九十里
秋七月以軍役
繁興省用徹膳八月辛丑朔日有蝕之既冬十月天狗

流于西南十一月封太尉桓溫爲南郡公溫弟沖爲豐城縣公子濟爲臨賀郡公

諸史攷異二曰按桓溫傳升平中改封南郡公降臨賀爲

縣公以封其次子濟此仍稱臨賀郡公非也

鳳皇復見豐城眾鳥隨之

五年春正月戊戌大赦賜鰥寡孤獨不能自存者人米

五斛北中郎將都督徐兗青冀幽五州諸軍事徐兗二

州刺史郗曇卒二月以鎮軍將軍范汪爲都督徐兗青

冀幽五州諸軍事安北將軍徐兗二州刺史平南將軍

廣州刺史陽夏侯滕含卒夏四月大水太尉桓溫鎮宛

使其弟豁將兵取許昌鳳皇見于沔北五月丁巳帝崩

于顯陽殿

翻譯名義集十七曰法開晉升平中孝宗有疾開視狀知不起不肯進藥獻后怒收付延

尉俄而帝崩獲免高僧傳四曰康獻褚皇后今日帝小不佳昨呼于公視脈但到門不前種種辭憚宜收付廷尉時年十九葬永平陵廟號孝宗

哀帝

哀皇帝諱丕字千齡成帝長子也咸康八年封爲琅邪王永和元年拜散騎常侍十二年加中軍將軍升平三年除驃騎將軍五年五月丁巳穆帝崩皇太后令曰帝奄不救疾脣嗣未建琅邪王丕中興正統明德懋親昔在咸康屬當儲貳以年在幼沖未堪國難故顯宗高讓今義望情地莫與爲比其以王奉大統于是百官備法駕迎于琅邪第庚申卽皇帝位

通典八十引江彪謝奉江夷立琅邪王議文繁

不備錄

大赦壬戌詔曰朕獲承明命入纂大統顧惟先王宗廟蒸嘗無主太妃喪庭廓然靡寄悲痛感摧五內拙割宗國之尊情禮兼隆肩嗣之重義無與二東海王奕戚屬親近宜奉本統其以奕爲琅邪王秋七月戊午葬穆皇帝于永平陵慕容恪攻陷野王守將呂護退保滎陽八月己卯夜天裂廣數丈有聲如雷九月戊申立皇后王氏穆帝皇后何氏稱永安宮呂護叛奔于慕容暉冬十月安北將軍范汪有罪廢爲庶人十一月景辰詔曰顯宗成皇帝顧命以時事多艱弘高世之風樹德博重以隆社稷而國故不已康穆早世肩祚不融朕以寡

德復承先緒感惟永慕悲痛兼摧夫昭穆之義固宜本
之天屬繼體承基古今常道宜上嗣顯宗以修本統十
二月加涼州刺史張玄靚爲大都督隴右諸軍事護羌
校尉西平公

隆和元年春正月壬子大赦改元甲寅減田稅畝收二
升是月慕容暉將呂護傳末波攻陷小壘以逼洛陽

慕容

暉載記傳末波作傳顏宋天文志曰慕容暉遣傳末波寇河陰陳祐危逼二月辛未以輔國

將軍吳國內史庾希爲北中郎將徐兗二州刺史鎮下
邳前鋒監軍龍驤將軍袁真爲西中郎將監護豫司并
冀四州諸軍事豫州刺史鎮汝南竝假節景子尊所生

周氏爲皇太妃三月甲寅朔日有蝕之

羣書拾補曰宋志無與下十二

月戊午朔日食不合疑此衍

夏四月旱詔出輕繫振困乏丁丑梁州

地震浩亶山崩

羣書拾補曰梁譔浩亶在涼州

呂護復寇洛陽乙酉輔

國將軍河南太守戴施奔于宛五月丁巳遣北中郎將

庾希竟陵太守鄧遐以舟師救洛陽秋七月呂護等退

守小平津進琅邪王奕爲侍中驃騎大將軍開府鄧遐

進屯新城庾希部將何謙及慕容暉將劉則戰于檀丘

破之八月西中郎將袁真進次汝南運米五萬斛以饋

洛陽冬十月賜貧乏者米人五斛章武王珍薨十二月

戊午朔日有蝕之詔曰戎旅路次未得輕簡賦役立象

失度亢旱爲患豈政事未洽將有板築渭濱之士邪其
搜揚隱滯蠲除苛碎詳議法令咸從損要庾希自下邳
退鎮山陽袁眞自汝南退鎮壽陽

興寧元年春二月己亥大赦改元

讀史舉正日案上年十二月戊午朔本年

三月有壬寅癸卯則此月不得有己亥

三月壬寅皇太妃薨于琅邪第癸

卯帝奔喪詔司徒會稽王昱總內外衆務夏四月慕容
暉寇滎陽太守劉遠奔魯陽甲戌揚州地震湖濱溢五
月加征西大將軍桓溫侍中大司馬都督中外諸軍事
錄尚書事假黃鉞復以西中郎將袁眞都督司冀并三
州諸軍事北中郎將庾希都督青州諸軍事癸卯慕容

暉陷密城滎陽太守劉遠奔于江陵秋七月張天錫弑

涼州刺史西平公張玄靚

通鑑晉紀考異引晉春秋在閏八月

自稱大將

軍護羌校尉涼州牧西平公丁酉葬章皇太妃八月有
星孛于角亢入天市九月壬戌大司馬桓溫帥眾北伐
癸亥以皇子生大赦冬十月甲申立陳留王世子恢爲
王十一月姚襄故將張駿殺江州督護趙毗焚武昌畧
府藏以叛江州刺史桓沖討斬之是歲慕容暉將慕容
塵攻陳留太守袁披于長平汝南太守朱斌承虛襲許
昌剋之

二年春二月庚寅江陵地震

五行志下作三月

慕容暉將慕容

評襲許昌潁川太守李福死之評遂侵汝南太守朱斌

遁于壽陽

通鑑晉紀考異引燕書作朱黎讀史舉正曰下文四月王師敗于懸瓠朱斌奔淮南案壽

陽卽淮南也此當爲一事通鑑並入四月爲是又進圍陳郡太守朱輔嬰城固

守桓溫遣江夏相劉岵擊退之改左軍將軍爲遊擊將

軍罷右軍前軍後軍將軍五校三將官癸卯帝親耕藉

田三月庚戌朔大閱戶人嚴法禁稱爲庚戌制

案通典

帝崇和人崇和醴醴唐元年三月庚戌天下所在土斷

本紀隆和元年無此事且是年三月甲寅朔無庚戌蓋

杜氏誤以興寧二年三月辛未帝不念帝雅好黃老斷

穀六朝事迹編餌長生藥服食過多遂中毒不識萬機

崇德太后復臨朝攝政夏四月甲申慕容暉遣其將李

洪侵許昌王師敗績于懸瓠

水經汝水注曰汝水又東逕懸瓠城北注云王智深

云汝南太守周玘起義於懸瓠者是矣今豫州刺史汝南郡治孫潛水經注校木曰今汝寧府治卽懸瓠城元

和志蔡州理城古懸瓠城也汝水屈曲形若垂瓠故城取名焉

朱斌奔于淮南朱輔退

保彭城桓溫遣西中郎將袁真江夏相劉晔等鑿楊儀

道以通運溫帥舟師次于合肥慕容塵復屯許昌五月

遷陳人于陸以避之戊辰以揚州刺史王述爲尙書令

衛將軍以桓溫爲揚州牧錄尙書事壬申遣使喻溫入

相溫不從秋七月丁卯復徵溫入朝八月溫至赭圻遂

城而居之

元和郡縣圖志二十八日赭圻故城在南陵縣西北一百三十里西臨大江吳所置赭圻

屯處也晉哀帝時桓溫領揚州牧入朝參政自荊州還至赭圻詔止之遂城赭圻鎮焉後城被火災乃移鎮姑

熟讀史方輿紀要二十七曰苻堅別帥侵河南慕容暉
豬圻城在繁昌縣西南十里

寇洛陽九月冠軍將軍陳祐留長史沈勁守洛陽帥眾

奔新城

晉書校文一日勁傳祐留勁守洛陽在興寧三年此屬之二年九月五異據傳言勁以五百人

守洛城尋為恪攻陷被害似當從傳作三年為得實

魏三

三年春正月庚申皇后王氏崩二月乙未以右將軍桓

豁監荊州揚州之義城雍州之京兆諸軍事領南蠻校

尉荊州刺史

通鑑注辯正曰義成京兆二郡僑治荊州境非荊州所屬故又別而出之諸史攷異

二日按簡文帝紀咸安元年十一月以冠軍將軍毛武生都督揚州之義城諸軍事宋書州郡志義成太守晉孝武立治襄陽永初郡國有下蔡平阿縣皆九江郡地故其初分屬於荆揚後則專屬於揚也宋志以為孝武時立桓冲監江州荊州之江夏隨郡豫州之汝南西陽非是

新蔡潁川六郡諸軍事南中郎將江州刺史領南蠻校

尉竝假節景申帝崩于西堂時年二十五葬安平陵

元

郡縣圖志二十五曰哀帝不安平陵在上元縣北六里雞籠山南

海西公

周家祿校勘記曰上宜照總目加廢帝

廢帝諱奕字延齡哀帝之母弟也咸康八年封爲東海

王永和八年拜散騎常侍尋加鎮軍將軍升平四年拜

車騎將軍

周家祿校勘記曰三年誤四年

五年改封琅邪王隆和初轉

侍中驃騎大將軍開府儀同三司興寧三年二月景申

哀帝崩無嗣丁酉皇太后詔曰帝遂不救厥疾艱禍仍

臻遺緒泯然哀慟切心琅邪王奕明德茂親屬當儲嗣

宜奉祖宗纂承大統便速正大禮以宜人神於是百官奉迎于琅邪第是日卽皇帝位大赦三月壬申葬安皇

帝于安平陵

周家祿校勘記曰哀皇帝誤作安

癸酉散騎常侍河閒王

欽薨

晉書校文一日據魏司馬元興墓志欽由右衛將軍遷散騎常侍中護軍使持節侍中太尉此紀所

書官階不具徵辭

景子慕容暉將慕容恪陷洛陽寧朔

將軍竺瑤奔于襄陽冠軍長史揚武將軍沈勁死之夏

六月戊子使持節都督益寧二州諸軍事鎮西將軍益

州刺史建城公周撫卒秋七月匈奴左賢王衛辰右賢

王曹穀

苻堅載記作曹穀

帥眾二萬侵苻堅杏城己酉改封會

稽王昱爲琅邪王壬子立皇后庾氏封琅邪王昱子昌

明爲會稽王冬十月梁州刺史司馬勲反自稱成都王十一月帥眾入劍閣攻涪西夷校尉母丘暉棄城而遁乙卯圍益州刺史周楚于成都桓溫遣江夏相朱序救之十二月戊戌以會稽內史王彪之爲尙書僕射

太和元年春二月己丑以涼州刺史張天錫爲大將軍都督隴右關中諸軍事西平郡公景中以宣城內史桓祕爲持節監梁益二州征討諸軍事三月辛亥新蔡王邈薨荊州刺史桓豁遣督護桓熙攻南鄭魏興人畢欽舉兵以應熙夏四月旱五月戊寅皇后庾氏崩朱序攻司馬勲于成都眾潰執勲斬之秋七月癸酉葬孝皇后

于敬平陵九月甲午曲赦梁益二州冬十月辛丑苻堅
將王猛楊安攻南鄉荊州刺史桓豁救之師次新野而
猛安退以會稽王昱爲丞相十二月南陽人趙弘趙憶
等據宛城反慕容暉載記作南陽督護趙弘太守桓澹走保新野慕容
暉將慕容厲陷魯郡高平

二年春正月北中郎將庾希有罪走入于海晉書校文一日庾冰

傳希逃於海陵陂澤中事在海西公既廢後時桓溫方
翦除庾氏故希遠遁也紀次於是年甚誤案希逃於海
陵亦不得云入海夏四月慕容暉將慕容塵寇竟陵太守羅崇

擊破之苻堅將王猛寇涼州張天錫距之猛師敗績讀史

舉正日案天錫傳作天錫敗爲是五月右將軍桓豁擊趙憶走之進獲

慕容暉將趙槃送于京師慕容暉載記作趙盤秋九月以會稽內

史郗愔為都督徐兗青幽四州諸軍事平北將軍徐州

刺史本傳作徐兗青幽揚州之晉陵徐兗二州刺史冬十月乙巳彭城王玄薨

三年春三月丁巳朔日有蝕之癸亥大赦夏四月癸巳

雨雹大風折木秋八月壬寅尚書令衛將軍藍田侯王

述卒

四年夏四月庚戌大司馬桓溫帥眾伐慕容暉秋七月

辛卯暉將慕容垂帥眾距溫溫擊敗之御覽九十九載榮緒晉書曰太

和元年桓溫表率方伯北伐元年為四年之譌十七史

商榷四十五日垂帥眾距溫垂當作厲載記無垂距戰

之事厲單馬奔還傳顏又敗然九月戊寅桓溫裨將鄧

後垂請出擊有枋頭之役耳

退朱序遇暉將傳末波于林渚又大破之案慕容暉載記作溫前鋒

朱序破暉將傳顏于林渚傳顏當卽傳末波讀史方輿紀要四十七日白雁陂在長社東北林鄉西南晉太和

四年鄧遐朱序敗燕兵戊子溫至枋頭景申以糧運不於林渚卽白雁陂矣

繼焚舟而歸御覽九十九引臧榮緒晉書曰秋九月溫以王師敗績於枋頭元和郡縣圖志十六

日枋頭故城在衛縣東一里建安九年魏武帝在淇水口下大枋木爲堰遏洪水令入白渠以開漕運故號其

處爲枋頭後苻氏克鄴改枋頭爲永昌縣通鑑地理通釋十三日水經注盧諶征艱賦曰後背洪枋巨堰深築

高隄臨武開始蒲洪歸枋頭遣使來降針鞞之類秦散

城在衛縣南去河八里南對酸棗棘津讀史方輿紀要三日枋頭在今大名府濬縣西南八十五里辛丑

慕容垂追敗溫後軍于襄邑冬十月大星西流有聲如

雷己巳溫收散卒屯于山陽豫州刺史袁眞以壽陽叛

十一月辛丑桓溫自山陽及會稽王昱會于涂中將謀
後舉十二月遂城廣陵而居之

五年春正月己亥袁真子雙之愛之害梁國內史朱憲

汝南內史朱斌二月癸酉袁真死陳郡太守朱輔立真

子瑾嗣事求救于慕容暉

宋天文志作
求教于苻堅

夏四月辛未桓

溫部將竺瑤破瑾于武丘秋七月癸酉朔日有蝕之八

月癸丑桓溫擊袁瑾于壽陽敗之九月苻堅將王猛伐

慕容暉陷其上黨廣漢妖賊李弘與益州妖賊李金根

聚眾反弘自稱聖王眾萬餘人梓潼太守周虓討平之

晉書校文一日虓傳無討二李事周楚傳載此事云楚
遣子討平之當是實錄楚虓之祖也李金根楚傳作李

金銀冬十月王猛大破慕容暉將慕容評于潞川十一月
猛剋鄴獲慕容暉盡有其地

六年春正月苻堅遣將王鑒來援袁瑾將軍桓伊逆擊

大破之丁亥桓溫剋壽陽斬袁瑾三月壬辰監益寧二

州諸軍事冠軍將軍益州刺史建城公周楚卒楚本傳

益梁夏四月戊午大赦賜窮獨米人五斛苻堅將苻雅伐

仇池仇池公楊纂降之六月京都及丹楊晉陵吳郡吳

興臨海並大水秋八月以前益州刺史周仲孫爲假節

監益梁二州諸軍事益州刺史仲孫本傳監軍事作冬

十月壬子高密王俊薨十一月癸卯桓溫自廣陵屯于

白石丁未詣闕因圖廢立誣帝在藩夙有痿疾嬖人相

龍計好朱靈寶等參侍內寢而二美人田氏孟氏生三

男長欲封樹時人惑之溫因諷太后以伊霍之舉御覽九十

九續晉陽秋曰帝少同閹人之疾而出比左右初在東

海琅邪國因親近嬖人相寵計好朱靈保並侍卧內美

人田氏孟氏遂生三男眾致疑惑然莫能審其虛實至

是將建儲立大司馬桓溫因之以定廢立之計案龍與

寵形近而謗寶與保音同而謗李慈銘越縵堂日記曰

晉書之外駁蕪累多采小說其尤繆者如海西公之廢

紀言桓溫誣帝在藩夙有痿疾嬖人相龍離計好朱

靈寶等參侍內寢而二美人田氏孟氏生三男長欲封

樹時人惑之又云桓溫有不臣之心潛謀廢立以長威

權然憚帝守道恐招時議以宮闈重閣牀第易誣乃言

帝爲閹遂行廢辱又云帝徙居吳縣深慮橫禍乃杜塞

聰明無思慮終日酣暢耽於內寵有子不育庶保天

年是海西不男之語明出於誣而五行志詩妖中乃載

海西公太和中百姓歌曰青青御路楊白馬紫遊疆汝

非皇太子那得甘露漿識者曰白者金行馬者國族紫
爲奪正之色海西公尋廢其三子並非海西公之子綸
以馬輻死之明日南方獻甘露焉又曰海西公初生皇
子百姓歌云鳳皇生一雛天下莫不喜本言是馬駒今
定成龍子其歌甚美其旨甚微海西公不男使左右
向龍與內侍接生子以爲己子則又以溫之言爲實己
酉集百官于朝堂魏書司馬攸傳曰遂率百寮並還朝
堂溫率衆入屯兵宮門進坐殿庭

宣崇德太后令曰王室艱難穆哀短祚國嗣不育儲宮
靡立琅邪王奕親則母弟故以入纂大位不圖德之不
建乃至于是斯昏濁潰亂動違禮度有此三孽莫知誰子
人倫道喪醜聲遐布既不可以奉守社稷敬承宗廟且
昏孽竝大便欲建樹儲藩誣罔祖宗傾移皇基是而可
忍孰不可懷今廢奕爲東海王以王還第供衛之儀皆

如漢朝昌邑故事但未亡人不幸罹此百憂感念存沒心焉如割社稷大計義不獲已臨紙悲塞如何可言于

是百官入太極前殿卽日桓溫使散騎侍郎劉享收帝

璽綬

通鑑晉紀考異引二十國春秋亦作劉享魏書司馬叡傳作使督護竺瑤散騎侍郎劉享取奕璽綬

案劉享當從魏書作享

帝著白帟單衣步下西堂乘犢車出神獸

門

讀史方輿紀要二十日大陽門在西面南頭晉太和六年帝奕步下西堂出神虎門或曰卽大陽門也實

錄

又云神虎門宮牆第二重西面門羣臣拜辭莫不獻

亦曰神武對第三重宮牆之千秋門欽侍御史殿中監將兵百人衛送東海第初桓溫有不

臣之心欲先立功河朔以收時望及枋頭之敗威名頓

挫遂潛謀廢立以長威權然憚帝守道恐招時議以宮闈

重閤牀第易誣乃言帝爲閹遂行廢辱初帝平生每以爲慮嘗召術人扈謙筮之卦成荅曰晉室有盤石之固

陛下有出宮之象竟如其言咸安二年正月降封帝爲

西海縣公四月徙居吳縣

周家祿校勘記曰海西誤作西海按簡文帝紀咸安元年

十二月庚寅廢東海王奕爲海西公二年夏四月徙於吳縣西柴里此云二年降封者誤勅吳國內

史刁彝防衛又遣御史顧允監察之十一月妖賊盧悚

遣弟子殿中監許龍晨到其門稱太后密詔奉迎興復

帝初欲從之納保母諫而止龍曰大事將捷焉用兒女

子言乎帝曰我得罪於此幸蒙寬宥豈敢妄動哉且太

后有詔便應官屬來何獨使汝也汝必爲亂

御覽九十引臧榮

緒晉書作便應官屬來迎何得如此必狂亂因此左右縛之龍懼而走帝知

天命不可再深慮橫禍乃杜塞聰明無思無慮御覽九十九引

臧榮緒晉書橫禍作人禍杜塞聰明作閉聰塞明終日酣暢耽於內寵有子不

育庶保天年時人憐之爲作歌焉御覽九十九引臧榮緒晉書作有子不養

度保天年吳民憐之爲作歌謠朝廷以帝安于屈辱不復爲虞太元十

一年十月甲申薨于吳時年四十五御覽九十九引臧榮緒晉書曰山是

朝廷以帝安於屈辱無僥倖之望不復懷疑帝崩於吳宮年三十五因葬吳地案四十五三十五未知孰誤

史臣曰孝宗因緦抱之姿用母氏之化中外無事十有

餘年以武安之才啟之疆場以文王之風被乎江漢則

孔子所謂吾無間然矣哀皇寬惠可以爲君而鴻祀禳

天羣書拾補日鴻

祀見尙書大傳用塵其德東海違許龍之駕屈放命

之臣所謂柔弱勝剛強得盡于天年者也

贊曰委裘稱化大孝爲宗遵彼聖善成茲允恭西旌王
壘北旆金墉遷殷舊燹莫不來從哀后寬仁惟靈旣集
海西多故時災見及彼異阿衡我非昌邑

晉書斟注卷八